

Mensahe 4

Ang Kasaysayan sa Arka ug sa Tabernaculo

Basahong Kasulatan: 1 Sam. 4:1—7:2

- I. Nabatonan ta ni Cristo aron mabatonan nato Siya para matukod ang Dios kanato ug matukod ta Kaniya aron mahimong hiniusang Dios-tawo, ang realidad sa iglesia nga tabernaculo sa Dios, nga mao ang balay sa Dios nga buhi, ang masigka-puluy-anan sa Dios ug tawo—Fil. 3:8, 12-14; Juan 1:14; Bug. 21:2-3; 7:15; 1 Tim. 3:15; Juan 14:2, 23.**
- II. Aron makasulod ta sa realidad sa Lawas ni Cristo, kinahanglan makita nato ang tiunayng kahulogan sa Arka:**
 - A. Naghulagway ang Arka ni Cristo nga presensya sa Tulo-usang Dios diha sa Iyang katawhan aron matuman ang Iyang pamatigayon nga mag-establisar sa Iyang gingharian dinhi sa yuta —Mat. 1:23.
 - B. Ang Arka maoy sentro ug sulod sa tabernaculo, nga nagtimaan ni Cristo nga sentro ug sulod sa iglesia; ang Arka maoy unang gihisgotan sa panan-awon sa tabernaculo nga nagpakita nga si Cristo maoy una sa tanan sa iglesia—Exo. 25:22; Col. 1:17b, 18b:
 1. Naa sa Arka ang mga papan sa kasugoan nga panghimatuod sa Dios, ang pagpadayag ug pinadayag sa pagkamao sa Dios—Exo. 25:16; 31:18.
 2. Ang Arka sa Dapit Labing Balaan nagtimaan ni Cristo nga sentro sa puluy-anan sa Dios, sa iglesia (Efe. 2:21-22), ug ang mga sulod sa iglesia nga balay sa Dios (1 Tim. 3:15-16; itandi sa 1 Sam. 4:22; Bug. 3:20).
 - C. Ang Arka nga hinimo sa kahoyng acacia nga gihal-opag bulawan nagtimaan sa pneumaticong Cristo nga pagkalawas sa Dios ug panagsagol sa Dios ug tawo, ang pagkatukod sa Dios ug tawo, nga nagpuyo sa atong espiritu aron makontak ug mapahimuslan nato ang Dios—2 Tim. 4:22; 2 Cor. 3:17; Col. 2:9; Heb. 9:4:
 1. Nagtimaan ang kahoyng acacia sa pagka-tawo ni Cristo, nga lig-on og kinaiya ug habog og sukdanan, nga mao ang sukaranong pagkamao nga magpadayag sa Dios—Exo. 25:10; Mat. 3:16; 4:4; 8:20; 9:12-13; 11:29; 12:19-20; 17:27; 20:28; 27:12, 14; Mar. 1:35; 6:39-41; Juan 6:12; 7:6; itandi sa Buh. 16:7.
 2. Kanang gihal-opag bulawan ang kahoyng acacia sa sulod ug sa gawas nagtimaan nga nituhop ang diosnong kinaiya sa tawhanong kinaiya ug nag-agad sa tawhanong kinaiya aron mapadayag kini pinaagi sa tawhanong kinaiya—Exo. 25:11; Bug. 3:18a; 2 Ped. 1:4; itandi sa Bug. 17:4
 - D. Ang tabon-sa-pagpasig-uli sa Arka nagtimaan ni Cristo nga tagboanan sa Dios ug sa tinubos nga katawhan Niya—Exo. 25:17-22:
 1. Si Cristo ang nagpasig-uli (Heb. 2:17), ang naghupay sa relasyon nato sa Dios, ang nagpasig-uli nato sa Dios sa pagtagbaw Niya sa gipangayo sa Dios pinaagi Niya nga halad-pasig-uli (1 Juan 2:2; 4:10).
 2. Si Cristo sab ang tabon-sa-pagpasig-uli sa pagsidlak sa Iyang pagkadios ug sa pagtubos sa Iyang pagka-tawo, ang dapit nga niini mapahimuslan nato ang pagpasig-uli atubangan sa Dios ug niini makatagbo ug makapakig-am-bitay ta sa matarong, balaan, ug mahimayaon natong Dios aron madawat Siya ingon nga grasya—Rom. 3:25; Heb. 4:16:
 - a. Ang duha ka querubin nga bulawan nga naa sa tabon-sa-pagpasig-uli nagpakita nga nagsidlak ang himaya sa Dios gikan ni Cristo (Exo. 25:18-20);

Mensahe 4 (sumpay)

ang dugo sa halad-pasig-uli nga gisablig sa tabon-sa-pagpasig-uli sa Arka nagtimaan nga tungod sa dugo sa pagtubos ni Cristo, makapakig-ambitay na ta sa matarong nga Dios taliwala sa Iyang himaya (Lev. 16:14-15).

- b. Labi nga makigtagbo ug mamulong ang Dios kanato, ug labi tang makigtagbo sa Dios ug mamati sa Iyang pagpamulong, labi sab nga panghimatuod sa Dios ang maanaa sa kasinatian nato.

III. Ang kasaysayan sa Arka ug sa tabernaculo nagpakita sa tinguha sa kasingkasing sa Dios, sa pagkaawaaw sa iglesia, ug sa pagpahiuli sa iglesia alang sa panghimatuod, pagpadayag sa Dios—Exo. 25:9-10; 26:26-30; 40:38:

- A. Isip sentro ug sulod sa tabernaculo, nagtimaan ang Arka ni Cristo nga sentro ug sulod sa iglesia nga tabernaculo sa Dios, balay sa Dios, alang sa hiniusang pagpadayag sa Dios—25:22; 40:21; Col. 2:9; Efe. 2:21-22; 1 Tim. 3:15.
- B. Sa unang hugna sa kasaysayan sa Arka, naa kini sa tabernaculo; nagtimaan kini nga ang normal nga iglesia maoy pagpadayag ni Cristo, ug si Cristo maoy sulod sa iglesia; apan, sa kapulihay nabulag sa tabernaculo ang Arka; nagtimaan kini nga nadaot ang iglesia ug nawad-an sa realidad ug presensya ni Cristo—Exo. 40:34-35; 1 Sam. 4:1—7:2.
- C. Naghulagway ang Arka ni Cristo nga pagkalawas sa Dios ug isip presensya sa Tulo-usang Dios diha sa Iyang katawhan aron matuman ang Iyang pamatigayon nga mag-establisar sa Iyang gingharian dinhi sa yuta (Jos. 3:3, 10-17); ang pagpagula sa Arka pagpagula man sa presensya sa Dios (Num. 10:33-36; 1 Sam. 4:3-4).
- D. Hulagway ang lihok sa Arka sa lihok sa Dios dinhi sa yuta diha ni Cristo nga pagkalawas Niya (Sal. 68:1-18); apan, sa pagpakig-away sa Israel sa mga Filistehanon, dili tuyo sa Dios nga molihok.
- E. Wala maghunahuna o magtagad ba sa pamatigayon sa Dios ang mga anak sa Israel, ug ang pagpagula nila sa Arka aron makig-away sa mga Filistehanon nagpakita nga gipulihan nila ang Dios, gipugos man ngani Siya nga mogula kuyog nila aron mahilwas sila, dunay kalinaw, pahulay, ug kaayohan.
- F. Sa prinsipyo, gibuhat sab nato kini matag panahon nga moampo ta para maharuhay ta nga wala gyod magtagad sa pamatigayon sa Dios; imbis mopuli sa Dios, mag-ampo gyod ta, magkinabuhi, ug mahimong mga tawo, sama ni Samuel, nga uyon sa kasingkasing sa Dios ug alang sa pamatigayon Niya.
- G. Gipulihan sa mga tawo karon sa panginahanglan sa tawo ang panghimatuod sa Dios; pulihan ngani sa panginahanglan sa tawo ang panghimatuod sa Dios, magsugod dayon ang pagkadaot ug motungha ang mga problema; dili lang Arka sa Dios ang Arka (1 Sam. 4:11, 13, 17-19, 21-22) kondili Arka sab sa Panghima-tuod (Exo. 25:22; 40:21).
- H. Maghinulsol unta ang Israel, mosugid pag-ayo, mobalik sa Dios gikan sa ilang mga diosdios, ug mangutana unta sila sa Dios kon unsay gusto Niyang buhaton nila.
- I. Kay wala man sila magtinguha sa gitinguha sa Dios o sa walay katapusan bang pamatigayon Niya, matuotuohon hinuon silang nisalig sa Arka basi sa nangaging mga pagdaog nga nasinati nila tungod sa lihok sa Arka.
- J. Tungod sa pagkadaot sa Israel, nabihag sa mga Filistehanon ang Arka ug nabulag sa tabernaculo, ug nabasiyong sudlanan nga walay realidad, walay hustong sulod, ang tabernaculo (1 Sam. 4:11—6:1); nagtimaan kini nga sa ikaduhang

Mensahe 4 (sumpay)

hugna sa kasaysayan niini, nadaot ang iglesia ug nawad-an sa realidad ug presensya ni Cristo (cap. 3—4; Bug. 3:20).

- K. Sa pagkadaot sa Israel buangbuang sila kay wala man sila direktang mosalig sa Dios; nisalig hinuon sila sa mga sistemang gitudlo sa Dios; sa wala pa nila gipagula sa tabernaculo ang Arka sa Dios, nangutana unta sila sa Dios sama sa gibuhat ni Josue sa Jerico (Jos. 6:2-4; itandi sa 9:14).
 - L. Gikan sa kahiladman sa atong espiritu moingon gyod ta sa Ginoo nga, “Ginoo, nia ko sa yuta dili alang sa akong kahimsog, kaharuhay, kahilwasan, kalinaw, pahulay, o kaayohan; kay gusto man ko mahimong tinuod nga madaogong Nasareo nga mobulig Nimo aron matuman ang Imong pamatigayon, mangutana ko Nimo unsay naa sa Imong kasingkasing bahin nako”—1 Sam. 2:30b, 35; Num. 6:1-9; itandi sa 1 Hari 8:48; Jer. 32:39.
 - M. Nakasilo gyod pag-ayo sa Dios ang mga anak sa Israel sa pagkadaot nila, ug gibiyaan sila sa Dios; sa kapulihay, imbis moluwas sa Israel ang Arka, nabihag na hinuon kini, ug nibiya sa Israel ang himaya sa Dios (1 Sam. 2:30, 34; 4:10-18, 22; Sal. 78:61); ang “pagkawalay Arka” “pagkawalay Cristo” man, ug ang “walay Cristo” nagpasabot nga dunay “Icabod,” nga nagpasabot og *Walay Himaya* (1 Sam. 4:21-22; Bug. 3:20).
- IV. Sa ngadto-ngadto, napahiuli ang Arka ug gidala una sa balay ni Abinadab sa Kiriath-jearim, diin nagpabilin kini sa kawhaan ka tuig (1 Sam. 6:2—7:2), ug unya sa balay ni Obed-edom nga Gitehanon ug nagpabilin didto sa tulo ka bulan (2 Sam. 6:1-11; itandi sa 1 Sam. 1:24; Jos. 18:1; nagtimaan kini nga sugod sa ikaduhang siglo gipabangon ang pipila ka “Obed-edom,” nga dunay presensya sa Ginoo (ang Arka) apan walay hustong iglesiahanonng kinabuhi nga pagpadayag ni Cristo (ang tabernaculo).**
- V. Gibalhin ni David ang Arka gikan sa balay ni Obed-edom ngadto sa tolda nga giandam niya alang niini sa kaugalingon niyang syudad, sa Bukid sa Sion, nga kinamaayohang dapit sa Jerusalem (2 Sam. 6:12-19; 1 Cron. 15:1—16:1); arang-arang na kining sitwasyona, apan naa pa gihapon sa dili hustong dapit ang Arka kay wala pa man kini mauli sa tabernaculo:**
- A. Nagtimaan kining sitwasyona nga dunay mga magtutuo nga, sama ni David, nagtagad sa mga tinguha sa Dios ug nisulay sa pagbatasan sa iglesiahanonng kinabuhi sumala sa kaugalingon nilang gusto, dili sumala sa pinadayag sa Dios.
 - B. Dunay Cristo kining mga magtutuo, apan nabatohan nila Siya nga walay hustong pagbatasan sa iglesiahanonng kinabuhi (gihulagwayan sa tolda ni David sa Jerusalem)—itandi sa 1 Hari 3:3-15.
- VI. Sa kataposan, sa natukod na ni Salomon ang templo didto sa Jerusalem, gibalhin ang Arka ngadto sa Dapit Labing Balaan sulod sa templo alang sa hingpit nga pagpahiuli sa normal nga sitwasyon; sa pahiuli sa Ginoo karon nagbuhat Siya sa pagpahiuli sa normal nga kahimtang ni Cristo sulod sa hustong iglesia nga realidad sa Lawas ni Cristo nga magpadayag Niya—8:1-11, 48; Efe. 2:21-22; 3:16-21.**
- VII. Hulagway-daan sa kasaysayan sa iglesia ang kasaysayan sa Arka ug sa tabernaculo, nga naghatag natog hingpit nga hulagway sa dagan ug sitwasyon sa iglesia sugod gyod sa sinugdanan hangtod karong panahona; dunay lima ka mahinungdanong aspeto kining kasaysayana:**